

ESTES SON LES NUESES REIVINDICACIONES:

- Retirada de los Decretos 14/2012 y 20/2012 y de les normativas autonómicas de retayos.
- Retirada de la LOMCE.
- Amenorgamientu del horariu de docencia directa del profesoráu.
- Emplegu públicu docente abundu, estable y de calidá.
- Por una educación de calidá, inclusiva. Amenorgamientu de les ratios máximes del alumnáu nes aules. Flexibilización pa desdobles, refuerzos, afondamientos, recuperaciones de materies suspenses y pa l'atención del alumnáu con necesidaes d'atención educativa específica.
- Desburocratización del trabayu docente ya impulsu del trabayu del profesoráu cooperativu y n'equipu nos centros.
- Oposición a los modelos de carrera docente.
- Recuperación salarial y meyores retributives pa tol profesoráu.



Campaña de STE-i Y suatea pola Derogación del RDL 14/2012 y les normativas autonómicas de retayos. Avientu 2015- Abril 2016.



Pa ello mientras esta campaña...

- Vamos Espublizar: cartelu, dípticos y monográficu informativu de la campaña.
- Vamos Esplicar a los grupos políticos estos retayos y les nueSES reivindicaciones.
- Vamos Promover pronunciamientos de les Meses Sectoriales, tanto estatales** como autonómicas, y de les Xuntes de Personal pa esixir a los Gobiernos del estáu y autonómicos y a los partíos políticos que se comprometan na retirada de los retayos y nel impulsu d'alcuerdos de llexislatura pa la restitución de los derechos recortaos al profesoráu.
- Vamos Llevar a cabu recoyíes de firmes

y/o pronunciamientos d'equipos docentes esixendo la derogación del Decretu 14/2014 y de les normativas autonómicas de retayos, y la vuelta a los horarios de docencia directa previos a la imposición de les midies de retayu.

- Vamos Plantegar movilizaciones del profesoráu y de los sos representantes.



CON RETAYOS NUN HAI FUTURU



LOMCE ¡NON!
DECRETU 14 / 2012
Y NORMATIVES AUTONÓMIQUES DE RETAYOS

DEROGACIÓN ¡YÁ!




**STES-INTERSINDICAL**



LOMCE ¡NON!

DECRETU 14/2012 Y NORMATIVES AUTONÓMIQUES DE RETAYOS



PRESENTACIÓN

Con esta campaña, SUATEA y la Confederación de STEs-i pretenden trasladar un mensaxe claru a los partíos políticos y al nuevu gobiernu central pa que se comprometan cola derogación de los retayos educativos, cola recuperación del gastu públicu educativu y de los derechos llaborales del profesoráu, intensamente retayaos nos cursos de la crisis. Ensin la derogación del Decretu 14/2012 y de los ordes de retayos educativos nun hai futuru. Pero nun va ser fácil, polo que vamos seguir promoviendo la movilización unitaria del profesoráu de los centros públicos.

CRÓNICA DE RETAYOS NUN QUINQUENIU NEGRU

Cola llegada al poder del Partíu Popular tres les elecciones de noviembre de 2011, les polítiques de retayos a los nuevos derechos sociales y llaborales acentuáronse y arramáronse.

Los tisoriazos empobinaos a la Educación adelantráronse en delles CCAA gobernaes mayoritariamente pol PP pero también pol PSOE y por otros partíos. Dempués esparcióronse y xeneralizáronse cola aplicación de les midíes impuestes nel Real Decreto-Llei 14/2012, de 20 d'abril, de midíes urxentes de racionalización del gastu públicu nel ámbitu educativu. Les sos midíes empobinaes a amenorgar el número de profesores pela vía de la medría de ratios, del horariu de docencia y de la nuesa xornada llaboral o dexando de cubrir sustituciones, asina como los tisoriazos n'ayudes a les families y al alumnáu, nes partíes pa gastos de funcionamientu, equipamientu ya inversiones en centros públicos causaron un retrocesu presupuestariu y llaboral ensin precedentes y sacaron a la cai masivamente a la ciudadanía, n'especial a tola comunidá educativa.

La educación pública fué sometida nel periodu 2010-13 a un retayu presupuestariu ensin precedentes de más de

CON RETAYOS NUN HAI FUTURU

siete mil millones d'euros. El balance déxanos un retrocesu d'unos nueve años nos presupuestos dedicaos a la Educación, un retayu de más de treinta y cinco mil profesores nes aules de los centros públicos de les enseñances non universitarias, que vieron crecer el so alumnáu con seiscientos mil nueves matrícules. Más sobrecarga llaboral, más burocratización, menos salariu y menos reconocencia social del profesoráu.

Solo gracias al esfuercu d'alumnáu y families y a la profesionalidá del profesoráu, al so compromisu y el so esfotu, la enseñanza pública aguantó y soportó toos estos envites nos que se vio envolubrada nos últimos tiempos.

El nuevu cursu con cambeos nel Ministeriu d'Educación, arrincó con midíes de parchéu y porcaces insinuaciones electoralistes del gobiernu estatal tres tanta estroza, que nun suponen fondos meyores. El MECD caltién el so Decretu de retayos, pero avanza un cambéu parcial de dalguna de les sos midíes.


SUATEA y STEs-i consideren qu'estos parches a les normes impuestes de retayos nun son la solución que precisamos el profesoráu y los centros, polo que va seguir reclamando la derogación del RDL14/2012 y de les normativas autonómiques de retayos educativos.

TIEMPU DE SALDAR CUENTES. TIEMPU DE COMPROMISOS

Agora trátase de saldar cuentas y esixir compromisos. Queremos trasladar un mensaxe claru a los partíos políticos y al nuevu gobiernu central pa que se comprometan cola derogación de los retayos educativos, cola recuperación del gastu públicu educativu y de los derechos llaborales del profesoráu, intensamente retayaos nos cursos de la crisis.

Nestos tiempos asistimos a una campaña orquestada contra el profesoráu. SUATEA y los STEs-i contemplan con esmolición como, dende distintos planteamientos, se propón un análisis de los problemes de la educación, poniendo l'atención nos males del profesoráu, dexando fora de dichu análisis los problemes reales qu'aguiyen el día ente día de la enseñanza pública, los efectos provocaos por tola política de retayos aplicada nos últimos años y la forma de revertilos. La meyora de la calidá na educación nun s'impón con discursos baratos y segregadores, la calidá na atención educativa al nuesu alumnáu degradábase cuando se retayen y empioren les condiciones y la reconocencia social del profesoráu.

La retirada de los retayos y la derogación de la LOMCE son inaplazables.



DEROGACIÓN

¡YÁ!

